

卷

五十四

照違

制律係職官加徒一年

强嫁寡姐自縊身死

逼嫁孀姐投塘身死實遣

强奪良家妻女嫁賣

先經誘逃後復强搶

强奪良家妻女尚未姦汚因而傷人

圖產强嫁不甘失節自刎身死

强奪良家妻女姦占為妻

强奪良家妻女尚未姦汚

圖產逼嫁孀嫂擬絞

改依搶奪路行婦女為首例

逼嫁有夫堂妹自刎

監守自盜駁依那移

鹽梟誘設巡役致死未獲鹽斤

民人盤剝上司審斷免勢

非盡羞忿自縊仍准旌表

擅用款字世表字林擬徒

不依期進兵策應因而失誤軍機

廣東司

一起爲票乞驗究事會看得長寧縣民溫亞葵因
姦拒捕致傷邱曰興身死一案據廣東巡撫
音疏稱緣溫亞葵籍隸長寧與邱曰興之婿姚
文儒熟識乾隆二十九年七月內浼姚文儒引
至邱曰興空房販賣鹹魚爲業三十三年二月
初十日邱曰興外出溫亞葵潛進邱曰興房內
取火乞烟見伊妻張氏獨處調戲成姦以後乘
便宜淫邱曰興重不知清至四月二十五日邱

曰興外出趁墟溫亞葵復進張氏房內正欲行
姦適邱曰興回家撞見將張氏打罵并欲將溫
亞葵送究溫亞葵服罪陪禮搬出另居邱曰興
見係醜事不便張揚亦卽寢息嗣於七月二十
日溫亞葵攜刀往巖坑山上砍柴適張氏亦在
山嶺撿拾柴枝溫亞葵圖續舊好隨將張氏拉
至山窩僻處行姦比邱曰興在山後砍柴從山
頂走下見而喊捉溫亞葵與張氏分途跑走邱
曰興趕上用拳向打溫亞葵背上溫亞葵轉身

抵格用刀背打傷邱曰興左胳膊邱曰興用在
手拔刀溫亞恭恐被砍傷又用刀砍傷邱曰興
顛門偏左邱曰興低頭向撞聲言拚命溫亞葵
復用刀砍其項頸殞命溫亞葵畏罪逃走張氏
回家不見夫回復至山上見伊夫已死即將被
溫亞葵殺死情由奔投夫姪邱汝玉并地保胡
朝興赴縣具報詩驗填圖勒緝嗣據緝獲溫亞
葵到案訊認前情不諱詰究並無商謀致死別
情溫亞葵除與張氏通姦輕罪不議外將溫亞

蔡依律擬斬監候張氏擬以柳杖分別的決收贖等因具

題前來應如該撫所題溫亞葵合依罪人拒捕殺所捕人者斬律擬斬監候秋後處決該撫疏稱張氏夫被沒死彼時並未在場後卽告知夫姪地保首告合依軍民相姦例柳號一個月杖一百係犯姦之婦杖罪的決柳罪收贖等語查張氏與溫亞葵在山行姦適伊夫邱曰興見而喊捉卽行分途跑走迨後張氏尋至山上見伊夫

被溫亞葵殺死卽奔投夫姪首告核其情節張氏事後首告雖有爲夫鳴寃之心但伊夫之死究因該氏犯姦所致未便如該撫所擬依軍民相姦例科斷張氏應改依姦夫自殺其夫姦婦雖不知情擬絞律擬絞監候秋後處決等因乾隆三十四年五月二十二日題二十四日奉

旨溫亞葵依擬應斬著監候秋後處決張氏因伊夫被溫亞葵殺死卽奔投夫姪首告雪寃尚有不忍致死其夫之心張氏著從寬免死照例減等發落

餘依議欽此

河南司

一起爲呈報事會看得息縣民石克儉與李應元之妻方氏通姦被本夫毆死姦婦一案先據河南巡撫阿思哈疏稱緣乾隆二十六年十月內李應元外出石克儉與方氏調戲成姦李應元與母張氏均不知情三十年三月初五日傍晚石克儉潛入行姦適李應元回家撞獲喊嚷石克儉力掙而逸李應元當將方氏詈罵欲毆經隣佑李成連等勸止初六日李應元復詈方氏

醜行方氏強嘴李應元忿極拾取木櫪毆傷方氏腦後左耳根倒地復毆胸膛脊背逾時殞命查此案殺姦雖係次日而獲姦實在姦所與例內非姦所獲姦或聞姦數日殺死姦婦者不同今該犯既供認姦情屬實將石克儉依律擬絞等因具題查例載本夫登時姦所獲姦將姦婦殺死姦夫當時脫逃後被拏獲到官審明姦情是實姦夫供認不諱者將姦夫擬絞監候本夫杖八十其非姦所獲姦或聞姦數日殺死姦婦姦

夫到官供認確有實據者將本夫照已就拘執
而擅殺律擬徒姦夫杖一百徒三年等語細繹
例義本夫殺死姦婦必實係獲在姦所而又殺
在登時始將姦夫擬抵此案石克儉與李應元
之妻方氏通姦被李應元撞獲喊嚷石克儉掙
脫李應元當將方氏詈罵欲毆經隣佑李成連
等勸止次日李應元復罵方氏醜行方氏強嘴
李應元拾木櫪毆傷方氏腦後等處殞命是李
應元獲姦雖在姦所而殺姦已非登時原情定

讞究與當場殺死姦婦者不同且李應元當獲
姦之時如果激於義忿迫欲殺姦又豈肯因隣
佑勸阻遂隱忍寢息迨至次日因方氏強嘴毆
傷致斃核其情節不特另有別情固當根究明
確以成信讞即使詈罵醜行屬實而旣因角口
起釁且又事逾經宿卽與殺姦之例不符未便
遽行定擬應令該撫另審妥擬到日再議等因
題駁去後今據該撫疏稱李應元姦所獲姦當
時雖因勸含忍次日實因姦情詈罵方氏強嘴

毆傷身死並無別情前將石克儉擬絞未允
協將石克儉請改照聞姦數日殺死姦婦例將
姦夫杖一百徒三年本夫李應元亦改照已就
拘執而擅殺例杖一百徒三年等因具

題前來應如該撫所題石克儉合依聞姦數日殺

死姦婦將姦夫杖一百徒三年例杖一百徒三

年李應元亦改依已就拘執而擅殺例杖一百
徒三年至配所折責四十板等因乾隆三十四
年六月十三日題十五日奉

馬身素

卷三
姦婦並非登時

旨依議欽此

山東司

一起爲稟報事會看得嶧縣民李王存與李方新之妾王氏通姦被李方新捉獲將王氏勒死一案先據山東巡撫富明安咨稱緣李王存在李方新庄隣王永福家傭工與李方新之妾王氏熟識李方新向在近村開採煤窑係伊妻妾輪流送飯王氏曾浼李王存代送乾隆三十二年八月間李方新之妻褚氏患病王氏央浼李王存送飯李王存隨與王氏調戲成姦後李王存

往續舊好潛入李方新後
廨棚逾時李方新
歸家宿于伊妻褚氏房內
氏潛引李王存入
房同寢時至三更李方新
心院出恭聽聞王氏
屋內語音隨向查問王氏
答李方新心疑王
氏與人通姦持棍往拏李
王存手攜衣服赤身
開門逃走李方新用棍毆
李王存頂心相連
顛門並左胎膊李王存棄
逃跑李方新卽同
褚氏前往王氏房內問明
姦情由李方新棍
毆王氏左肋因怒王氏敗壞
門風忿激莫遏起

意勒死卽棄棍將王氏推倒脚踢傷王氏脊
背騎于王氏身上用膝夾住手因王氏掙動
令妻褚氏按頭卽取床上布帶纏勒王氏項頸
立時殞命將李王存援照乾隆二年直隸總督
審擬劉二與王氏通姦被母張氏勒死成案擬
以滿徒李方新照例擬杖等因咨部經臣部以
例載本夫登時姦所獲姦將姦婦殺死姦夫當
時脫逃後被拏獲到官審明姦情是實姦夫供
認不諱者將姦夫擬絞監候本夫杖八十等語

例稱姦夫原兼妻妾而言並無分別治罪之文
至本夫登時獲姦殺死姦婦究其致死之申實
係因姦所致與尋常毆死妻妾不同故將姦夫
擬絞以抵姦婦之命並非以抵本夫之罪此案
李王存與李方新之妾王氏通姦李方新捉獲
用棍毆傷李王存頂心等處逃逸李方新忿激
卽將王氏登時勒斃已據李王存供認姦情明
確自應照例定疑今茲無援照直隸總督審擬
劉二王氏通姦被母張氏勒死成案將李王存